



## **Universitätsbibliothek Paderborn**

### **Asiaticae Historiae Societatis Iesv Pars ...**

Libris Qvatvor Conseqventibvs Pertexens, Quae post beatum S. Xauerij  
Obitum Soc. Patres ad Dei gloriam in iisdem Prouinciis gessere

**Bartoli, Daniello**

**Lvgdvni, 1667**

65. Mira logui insignis co[n]uersio.

**urn:nbn:de:hbz:466:1-11445**

ranno, is est qui Manare sexcentos martyres cum necasset; ne filij quidem abstinuit sanguine, sed optimum principem vnius apud patrem Christianismi reum impius pater interfecit, & nondum salutaribus ablutum vndis proprio cruento baptizauit; is idem tyrannus est qui Regem Trichenamalæ puerum regno spoliauit; qui regem Tricheuabandarem, ex tumultibus intestinis in ditionem suam fidemque suscepit, perfidus prodidit & de medio sustulit, vt auro quod secum tulerat potiretur, (erat vero is Tricheuabandar Zeilani regum successor legitimus, qui se sole videlicet prognatos, excellentia singulari inter alios reges iactant) Naus præterea Lusitanorum nulla, tyranni littus præteruehebatur, subitura in sinum difficilem qui à vadis Cailai, ad oras insulæ pertingit, quin ei statim scelerosus latro prædabundus instaret, maximè si aduerso mari allisa in littus solueretur. Visus igitur est ferroni diutius non posse tantus, tam vicinus, tam potens hostis, & nouis se in dies viribus, & regnis efferens, quibus paulatim Zeilani totius imperium affectabat: decreta in regio Indiarum Senatu aduersus illum classem, bis mille quingentos in eam Prorex legit, florem militiae & auro cuius arduo suffecturum, nisi melior pugnando fuisset quam parendo. Proregem comitabatur P. Quadrius, & cultu regio Trichenamalæ Dominus quem ducebat Prorex ab se restituendum in regnum insulæ, quod nouum iam annum Iasanapatani rex usurpabat, interea vero in seminario S. Pauli educatus ab nostris optimus iuuenis certam spem fecerat regni sui ad Christum perducendi, si foret in illud repositus. Primum Goa Prorex anni 1560. Octobris duodecimo soluit expectatus Anchediuæ dum classis reliqua sequeretur quadragesimo ab Goa milliari. Est vero Anchediuæ insularum duodecim velut quidam glomus (quod significare vox indica dicitur) harum vnam commendat amplitudo atque amoenitas, sed multo illustrius Gamae memoria indagatoris Indiarum, qui enauigato per vndeclim menses Oceano, fessam classem illuc applicuit, & aliquantis per cum suis recreatus, vela in Lusitaniam conuertit. Eius insulæ habitator anachoretes quidam Iogus, quanquam senex vitam octo illic annos exigebat pœnis voluntariis crudelis. Nil præter se suum possidebat; domus illi cauerna; lectus filex; vestis propemodum nuditas; victus quantum pugnus orizæ caperet demensum; ac ne quotidianum quidem; potus de saxo cauernæ frigida. Quæ illi vitae norma ingentem latè famam exciuerat, inuisibatur tanquam miraculum longinquò piorum ambitu, tangebatur, etiam à Brachmanis, adibatur quoque in speluncam ea opinione ducendæ ex illa sanctitatis, vt inde progressi expiatos se ad purum à labe omni somniarent. Voluit & Prorex dum staret in anchoris hominem videre: crenensque senem incanum, seminudum, squallidum, macilentum, sed ore alacrem, modestè humilem, nihil de Iogorum supercilie ferentem, indoluit scilicet misertus infelcis tam ærumnosos labores, dæmoni sudantis per quos fieri sanctus potuisset, adiectoque pro sua eximia pietate ad.

65.

Mira Iogui  
insignis co-  
ueratio.

ad eum sanandum animo, bene multa eum commonuit, quibus suas ad tenebras vt cunique aduerteret, easque si minus agnosceret, suspiraretur saltem inciperetque de religione quam confectabatur apud se dubitare. Nec iere in vanum monita; persuasus est vir bonus Goam proficisci, & in seminario S. Pauli de summa religionis Christianæ audire ex Patribus, quam vbi percepisset, tum fore in eius arbitrio eam si probasset amplecti; si minus placeret, in suam speluncam regredi: conditione admissa defecit Goam logos, commendaturque à Prorege datis ad P. Carnierum Niceæ Episcopum, & P. Franciscum Rodriguez literis exceptus à nostris omni benevolentia caritatis; prodit mox specimen familiaris sibi victus, & asperitatis, triduum iejunus nec cibum vidit; quarto, & consequentibus diebus tres ægre vncias visitati sumpsit alimenti, famem satis festiuè triplicem distinguens, primam fallacem, cui nec aures dandæ, probabilem alteram quæ spe bona lanctado: tertiam extremam, quæ necessario pabulo fulcienda. In tractando religionis, & Dei negotio talem comperit Rodriguez, vt fateretur in Brachmanis cum quibus millies in pugnam descenderat, expertum se neminem, vel acutiorcm ingenio vel iudicio firmorem: suspiciebant itaque inuicem, & admirabantur. Iodus sapientiam in Rodriguez, Rodriguez in Iodo singularem Theologæ Pagodum reconditæ intelligentiam, & versatissimam in libris Gita octodecim peritiam, quem auctorem Brachmanes pro suo Mose venerantur. Quare ex illo ferè quotidiana dissertatio ducebatur, visusque sibi Rodriguez aliquando tenere hominem inextricabili arguento. Nam quæsiuit de Gita, ecquid cum pro sancto, & vate veridico haberet? annuentem vltro, captumque autumans Rodriguez, vt quid ergo, infert, libris duodecim simulachra Pagodum fingere, & sacrificiis victimarum, rituque vario placare docuit; voluminibus sex consequentibus opposita omnia, primisque pugnantia, imaginosi cerebri figura mentis Pagodes esse, commenta mera, nec diuini cultus capacia. Hæc tam manifestò impudenterque se euertentia qui suis posteris tradidisset, quo pacto non esset aut vates fraudulentus; aut sacrilegus magister & impius, qui diuinos honores præcepisset mutis deferri simulachris? subridens Iodus tranquille respondit, nudaturum se Patri abstissimum arcanum, & Brachmanum quoque per paucis cognitum. Gita scilicet libros duodecim, popularitatis studio ab eo conscriptos, ad instituendum populum, crassiorem rudemque coelestium, nec alterius nisi quod caderet sub sensum capacem, proinde idolis fuisse & ceremoniis occupandum: prudentes vero, & subtilioris ingenij, auulsam à concretione formarum, & sensilibus mentem attollere ad intelligendum Deum vti re ipsa est, sciuntum ab omni corpore, omnis materia expertem, pureque spiritum, nec vlla satis imagine aut figmento formarum, oculis exhibendum.

Hoc autem à Gita libris posterioribus traditum, ex quo ipse volebat confici Gitam specie quadam, re vera nequaquam pugnantia locutum:

Li 3. sic

sic prophetam suum tuebatur Iogus à nota doctrinæ vacillantis defensione acuta magis quam verè solida. Nec tamen licet veloci & prompto semper ad manum supperebat quo se ab argumentis explicaret quibus inuoluebatur à Patre pressius , ducis potissimum ab insita homini ratione eiusque principiis : quæ cum nullo posset effugio exire , memorabat Patri ante annos octo, cum in Anchediuæ insulæ secessu cauerña se abderet , erasisse ex animo penitus omnia proculque ablegasse , præter fixam certamque voluntatem , Dei nunquam in posterum lædendi , & expetendæ pecunis quam posset asperrimis eorum satisfactionis quæ in illum iuuenis peccasset , dicto fidem addebat carnes quas circumferebat emortuas diuturna maceratione , quamobrem tot annos agendo magis patiendoque ad meritum ; quam ad victoriam disputationis argutando attentum , non pollere qua olim celeritate ingenij ad concertandum , & indagatrices scientias expediti. Longa sanè obseruatione compertus est cò virtutum moralium pertigisse , ægrè plus aliquid vt posset in viro sapiente , aut (venia verbo sit) in sancto ethnico optari. Quæ causa opinor fuerit ob quam illum Deus propitio aspectu dignatus est , & veri boni perfudit luce , à quo inuitus aberrabat , solaque illius ignoratione : fuit nihilominus ad baptismum haud ita facilis , & prona eius accessio. Duplex illi viam interclusit diu terror : Alter, quis enim aiebat securum me faxit , non incursum me processu temporis in doctiorem te magistrum , & secta tibi oppositum ; qui vt religionem quam teneo damnas , damnandam pariter mihi persuadeat Christianam. Alter priori formidolosior , quod mente recolens exhaustas molestias , & accusum immodicis in solitudine vexationibus , corporis cadauer , non sustineret annorum nouem , vt nominabat tot merita , puncto temporis perdere ; & nouis querendis tunc initium facere , cum iam vitæ metam præ oculis cerneret. Duo hæc terriculamenta menses trés anxium agitatunt , suique incertum ; & secum miserabiliter , alternantibus vincendi , & succumbendi vicibus certantem , stupenti vero intērim similem , obstipum , & cernuum , donec illi Deus misericors , beatæ lucis infudit radium , quo illas tenebras , omnemque ab eius animo nebulam discussit. Monstranti dat , & iuanti manus ; Brachmanum ponit , & abiicit notas , Lusitanorum vestitu induitur ; de communi nobiscum patella edit , quod apud Brachmanes æternæ genus est exaugurationis , & eiurati in perpetuum Brachmanismi , quod autem nihilo lentius festinandum Patres iudicarunt , in concedendo illi baptisme , causa fuit experientia quæ cum hominibus cuiusmodi fuerat is Iogus agendum cautius nimis susperat , & morosa magis probatione quam celeritate. Tria in illum conuenerant quæ solebant infidam conuerzionem illorum efficere , in quibus iuncta notarentur , vixque nisi prodigo vel profitebantur ex animo Christum , vel eam professionem constanter tenebant. Erat ortu Brachmanes , erat gente Baraa , hoc est inter Brachmanes concionator (quod apud illos est , prærogatiuum familiæ munus ) erat professione Iogus. Quo genere , nullum vsquam

vsquam putidius arrogans & superbum, sed quem gratiae suae firmamento stabilierit Deus, frustra vel naturae impugnet prauitas, vel assuetudo indita vitiorum. Huc certe quo baptismi tempus ampliabatur cunctantius, eò illum petebat ardenter, adeptusque est tandem, & P. Melchioris Carneri Episcopi manu solenniter ablatus, nomen quoque ab eo accepit, exin quasi præscius æui brevis quod sibi supererat bonus senex, dici non potest quam auarè illud occuparet, nec pateretur punetum eius ullum merito vacuum sibi effluere. Ex quo fonte prodiit salutari, domo pedem nunquam efferre voluit, aiens quando in suam heremum iam nefas esset concedere, & specum repertere, habiturum se pro specu in Patrum Collegio angustum conlaue, & pro heremo Collegium, in quo paucis annis, precando, vexandoque aspergitimè corpore, traductis, sancte vitam clausit.

Gaudens nobili præda celeberrimi Iogii Constantinus ex deserto insula Anchidiuæ capta, vela Zeilanum cum classe iam appulsa intendit: quo tempore Paraui mutationem sedium tacite instruebant, & de sterili littore moliebantur transitum in Maxaram insulam, habitaturi postea in regno Iafanapatani, vbi deuenisset in Lusitanorum potestatem: congreganda, regenda, deducendaque Manaram colonia Patrum caritati, & prudentiae credita, pænè illis exitio fuit. Hanc subodorati Badagæ Mediterranei, viginti millium numero armantur, dux illis Vizuua Naichez & reguli duo; elephantorum, & equorum non parua copia, Punicalem inuatione repentina petunt, idque multitudine tam facili & tanta, quod prædabundi magis, quam pugnaturi accurrerent, & spoliaturi Parauios re omni sua, priusquam illam alio transferrent. Recepta Mannel Cottignus præfectura, quinquaginta solum Punicali habebat præsidarios Lusitanos; è nostris vero Henricum Henrichez, & Ioannem Meschitam Goa recens adiectum, vbi philosophiam docebat: rumor imminentium Badagarum, de media nocte in urbem perlatus, consternatione, & tumultu omnia confudit: cum pueris feminæ ad mare procurrere, & pescatoriis lembis quos habent semper in littore, libertatem & vitam periculo eripere, virorum pars melior, Lusitanorum inuitatu, & exemplo arma capessere; & primam cum illis hostium aciem præmature in campum prouectam, excipere tam fortiter, ut eorum interfecto duce dirimeretur pugna; verum vt illuxit, & acies media cum tot elephantis, & equitibus in conspectum indigenis venit, non futuri modo ceventus desperatione, sed una hostis adeo numerosi præsentia territi, ad mare fuga illico flexere, tam effusè tantoque impetu, vt multi corripiendis scaphis, ab iis deserti, alijs post illas natatu secuti, in aquis perierint.

Sustinuere hostem in diem proximum soli Lusitani cum P. Meschita; hinc decreto inter se receptu, quod nouæ barbaris semper accederent copiæ nauim onerant gaza quam quisque habebat maxime pretiosam, sed tam imprudenti & impari mole, ut contra vim omnem molestium, fixa fundo hæreret catina, & expectandus esset quo subleuaretur.

66.

P. Meschita  
vulneratus,  
abducitur  
captiuus.